



ALVER
KOMMUNE



ALVER
KOMMUNE

Detaljreguleringsplan

Akvakulturlokalitet Toska sør
12602019000400

Reguleringsføresegner, 25.5.2020
(jf plan- og bygningslova § 12-7)

Utval	Sak	Dato	Vedtaksstype	ArkivID
PLT	036/2019	5.6.2019	Oppstart av planarbeid	19/1148
PLT	060/2019	30.10.2019	Offentleg ettersyn	19/1148
APM		10.6.2020		20/164
Kommunestyret		25.6.2020		20/164





1 REGULERINGSFØREMÅL (pbl §12-5)

- 1.1 Det regulerte området er vist på plankartet datert 04.11.2019
- 1.2 Arealet innanfor plangrensa er regulert til følgjande føremål:
BRUK OG VERN AV SJØ OG VASSDRAG (PBL. § 12-5, 2. ledd nr. 6)
- Bruk og vern av sjø og vassdrag (V)
 - Akvakultur (AK)
 - Kombinert føremål (VKA)

2 GENERELLE FØRESEGNER (pbl § 12-7)

- 2.1 Det kan vera uregistrerte fornminne i planområdet. Dersom det i samband med tiltak kjem fram funn eller konstruksjonar, må arbeidet straks stansast og fylkeskonservatoren få melding for ei nærare gransking på staden, jf. kulturminnelova § 8, 2.ledd. Ved påvising av kulturminne i sjø skal Bergen Sjøfartsmuseum varslast.
- 2.2 Tiltak i sjø som fell inn under hamne- og farvasslova krev godkjenning frå ansvarleg mynde.
- 2.3 Tiltak skal prosjekterast og utførast slik at tilstøytane område ikkje vert utsett for fare, skade eller vesentleg ulempe som følgje av tiltaket (Pbl § 12-7 nr. 2 og 4).
- 2.4 Det er forbode å drive fiske nærmare oppdrettsanlegget enn 100 meter og å ferdast nærmare enn 20 meter. Avstanden vert målt frå ei rett linje trekt mellom anlegget sine faktiske ytterpunkt i overflata, jamfør akvakulturdriftsforskrifta §18 (Pbl § 12-7 nr. 2 og 4).
- 2.5 Forureining (Pbl § 12-7 nr. 3)
Produksjon knytt til akvakultur skal minst vera i samsvar med dei til ei kvar tid gjeldande utsleppsløyve etter forureiningslova. Dette omfattar mellom anna utslepp til vatn, miljøovervaking, utslepp til luft, avfall og lagring av medisin og kjemikalie.

For verksemda knytt til akvakultur skal støy ikkje overskride grenseverdiane slik dei til ein kvar tid er satt i tabell 1 og 3 for industri med heilkontinuerleg drift i dei statlege retningsliner for støy, T-1442, eller slik dei vil vere i dei seinare gjeldande retningsliner for støy. Aktiviteten ved anlegget skal vere slik at den ikkje fører til ulemper for naboar og lokalmiljø med lys og lukt.

- 2.6 Samla arealbruk (Pbl § 12-7 nr. 2 og 3)
Oppdrettsanlegget på sjøoverflata skal plasserast innanfor akvakulturformålet AK, men sjå også 3.3.1. Samla arealbruk på sjøoverflata innanfor føremålemåla akvakultur AK og kombinert føremål VKA har total utnyttingsgrad på 55 %.

3 BRUK OG VERN AV SJØ OG VASSDRAG, pbl § 12-5, nr. 6

3.1 Bruk og vern av sjø og vassdrag: V. pbl § 12-7 nr. 1, 2 og 9

Føremålet er fleirbruksområde for ferdsel, fiske, natur, og friluftsliv som omfattar vassøyle og sjøbotn. Føremåla er sidestilt og det er ikkje høve til eksklusiv bruk for det einskilde føremål.

I området er det tillate med oppankring inkl. bøyer for akvakulturanlegg når sjølve akvakulturanlegget ligg innanfor AK og/eller VKA. Det er ikkje tillate å etablere akvakulturanlegg på sjøoverflata. Det er tillate å etablere, flytte, og skifte fortøyingar, og andre liknande tiltak tilhøyrande fortøyingane til anlegget etter kvar tids gjeldande krav. I området er det høve til å føre fram kablar for tilføring av elektrisitet. Nye fortøyinganlegg skal ikkje komme i konflikt med fiskeplass for passive reiskap.

3.2 AKVAKULTUR, AK, pbl § 12-7 nr. 1, 2 og 9

3.2.1 Føremålet AK er knytt til akvakultur i sjø og inkluderer vassøyle og sjøbotn.

Innanfor føremålet kan det drivast og oppførast tiltak knytt til akvakultur, dette omfattar mellom anna fôrflåte, fortøyingssrammar med merdar og bøyer, reinsefiskskjul, kamerautstyr, fôrslangar, straumnett, fortøyingar og anna som naturleg fell inn under føremålet. Det er tillate å erstatte anleggskonfigurasjon med ny teknologi og driftsmåtar.

Akvakulturanlegget på vassflata skal ikkje plasserast utanfor føremålet AK, men sjå også 3.3.1.

3.2.2 Plassering og utforming av tiltaka, samt produksjonsmåte, artar og type teknologi skal fastsetjast nærare søknad etter anna lovverk/akvakulturlova m.fl.. Villkår for drift (t.d. maksimalt tillate biomasse (MTB)) skal følgje dei til ei kvar tid gjeldande løyve gitt i konsesjon og reguleringar i forskrifter. Det kan ikkje tillatast gitt løyve som bryt med dei andre føresegnene her, som pkt. 2.5 og berekraftsmåla i pkt. 3.2.4.

3.2.3 Farge- og materialbruk på fôrflåten skal medverke til å dempe anlegget sitt uttrykk, samstundes som tryggjeleik for sjøverdsferdsel vert teke i vare. Det skal ikkje nyttast lysreflekterande materiale på flåten. Det skal leggst vekt på ryddigheit på anlegget.

3.2.4 Arealbruk innanfor AK. Utover flytting av anlegget med dagens tilhøyrande løyve for lokaliteten, skal det ikkje tillatast tiltak som kan forverre eller ha ytterlegare negativ innverknad for:

- Bestandstilstanden til vill-laks i det funksjonsområdet som aktivitet i planområdet påverkar. Tiltak i samsvar med arealbruken skal oppfylle krav om minimum god kvalitet for den enkelte bestand av vill-laks som aktivitet i planområdet påverkar, jf. forskrift om kvalitetsnorm for ville bestandar av atlantisk laks (kvalitetsnorm for vill-laks) artikkel 2 med vedlegg om kvalitetsnorm, lakse- og innlandsfiskelova § 1 og kap. III, naturmangfaldslova §§ 4-5 og plan- og bygningslova § 12-7 nr. 2.
- Bestandstilstanden til sjøaure i det funksjonsområdet som aktivitet i planområdet påverkar, jf. lakse- og innlandsfiskelova § 1 og kap. III, naturmangfaldslova §§ 4-5 og plan- og bygningslova § 12-7 nr. 2.



3.3 KOMBINERT FØREMÅL: FISKE, FERDSEL OG AKVAKULTUR, VKA. pbl § 12-7 nr. 1, 2 og 9

3.3.1 Dersom det er nødvendig for flytting av akvakulturanlegget på sjøoverflata, kan det eller delar av det plasserast innan føremålet VKA. Innanfor føremålet VKA er det i så tilfelle tillate å drivast og oppførast tiltak knytt til akvakultur på sjøoverflata og i vassøyla. Føringar for bruk av området er lik som for §3.2 Akvakulturføremålet.

3.3.2 Arealbruk innanfor VKA. Utover flytting av anlegget med dagens tilhøyrande løyve for lokaliteten, skal det ikkje tillatast tiltak som kan forverre eller ha ytterlegare negativ innverknad for:

- Bestandstilstanden til vill-laks i det funksjonsområdet som aktivitet i planområdet påverkar. Tiltak i samsvar med arealbruken skal oppfylle krav om minimum god kvalitet for den enkelte bestand av vill-laks som aktivitet i planområdet påverkar, jf. forskrift om kvalitetsnorm for ville bestandar av atlantisk laks (kvalitetsnorm for vill-laks) artikkel 2 med vedlegg om kvalitetsnorm, lakse- og innlandsfiskelova § 1 og kap. III, naturmangfaldslova §§ 4-5 og plan- og bygningslova § 12-7 nr. 2.
- Bestandstilstanden til sjøaure i det funksjonsområdet som aktivitet i planområdet påverkar, jf. lakse- og innlandsfiskelova § 1 og kap. III, naturmangfaldslova §§ 4-5 og plan- og bygningslova § 12-7 nr. 2.